

პონტის მეფე

## მიტრიდატ დიდი

თხზულება

დიმიტრი ზაქრაძისა

გამოცემის

ზ. ჭიჭინაძისგან.

თბილისი.

ექვთიმე ხელაძის სტამბა, ატამანის ქუჩაზე  
1880

პონტის მეფე მიტრიდატ დიდი.

ფარნავაზის შემდეგ დაჯდა მეფედ იმისი შვილი საურმაგი. ქართლის ერისთავებმა განიზრახეს იმისი სიკვდილი, „რადგანაც – სთქვეს იმათ არა კეთილ არს ჩვენდა, რათამცა ვემსახურეთ ნათესავსა ჩვენსა.“ საურმაგი ფარულად განივლტო დურძუკეთს, დედის ძმებთან. თან ჰყვანდა დედა, დურძუკელი, ნათესავი კავკაზისა. „მაშინ რომთა იგი აზნაურნი მივიდეს დურძუკეთსავე და რქვეს საურმაგს: „დიდი კეთილი დგას ჩვენზედა მამისა შენისა, ამისთვის ვართ ჩვენ მტკიცე ერთგულობსა შენსა.“ საურმაგი ეზრახა თავისს მამის დისწულს, ოსეთის მეფეს, შემოიკრიბა დურძუკეთი, დაიპყრა ქართლი, მოსრნა განდგომილნი, რომელთა შეუნდო, ხოლო დაამდაბლნა ქართლოსიანნი, წარჩინებულ ჰყვნა აზნაურნი, განამრავლნა დურძუკნი, ნათესავნი კავკაზისნი, რომელნიცა ტყვევნასა მას ხაზართასა ყოველნივე

მშვიდობით დარჩომილ იყვნეს სიმაგრისაგან ქვეყნისა და ვერლარა უტევდა დურძუკეთი. საურმაგმა წარმოიყვანა ყოველთა კავკაზისა ნათესავთა ნახევარნი და რომელნიმე მათგანი წარჩინებულ ჰყვნა და სხვანი და სხვა-

4

ნი მთიულეთს, დიდოეთიდგან ვიდრე ეგრისამდე, რომელ არს სვანეთი. და ესენი დაიპყრნა მისანდობელად თვისად დედულნი და დაჯდა მცხეთას და უმატა ყოველთა სიმაგრეთა მცხეთისათასა და ქართლისათა. და მან შექნა ორნი კერპნი, აინინა და დანანა და ამართნა გზასა ზედა მცხეთისასა, და მსახურებდა იგი მეფესა ასურასტანისას.“ საურმაგს ჰყვანდა ცოლად სპარსი, ბარდაველის ერისთავის ასული, რომელმაც შობა მხოლოდ ორი ქალი: ერთს იმათგანს შეუღლდა ქუჟის შვილი, მეორეს მირვან სპარსი, ნებროთიდის შთამომავალი, და თვით საურმაგის ცოლის ნათესავი. საურმაგმა იშვილა მირვანი და მისცა იმას ქალაქი გაჩიანი და საერისთავო სამშვილდისა, რომელიც შეადგენდა ფარნავაზის დაყოფით მეოთხე საერისთავოს, რომლის დედა-ციხე სახელიწოდებოდა სამშვილდედვე ანუ ორბეთად და მდებარებდა ქციის მდინარეზე. ამ საერისთავოს შეადგენდნეს – შემდეგში საბარათიანო, დბანის ხევი, სკვირეთი, თრიალეთი, „წილი გაჩიოსი, გარდაბანს ზევეითი; ამან გაჩიოს, ძემან ქართლოსისმან აღაშენა ქალაქი გაჩიანი, ანუ სანადირო-ქალაქი.“ სამშვილდის საერისთავოს ჰსაზღვრავდა მდინარე სკვირეთი ანუ მაშავარი ვიდრე მთამდე, რომელ არს ტაშირი და აბოცი. <sup>1)</sup> როგორც ამას წინათ

---

<sup>1</sup> ვახუშტის გეოგრაფია, 166, 178 – Eist de le Géur., 1, p. 22, n 5.

5

ჩვენ მოვიხსენეთ, ორბეთით სახელით იწოდა თურქების კოლონია ორბელიანებად...

სურმაგი მოკვდა და 162 წელს დაჯდა ტახტზე ნებროთიდი მირვანი. „მირვანი იყო, იტყვის ქართლის-ცხოვრება, ტანით სრული, მშვენიერი, ძლიერი, მხნე და ქველი. იმის მეფობაში დურძუკთ დაივიწყეს სიყვარული ფარნავაზისა და საურმაგისა, გარდამოვიდეს დურძუკეთს მყოფნი, გაუერთდნეს ჭირთაღეთს მყოფთ კავკაზიანთ, მოსტყვევნეს კახეთი და ბაზალეთი, მდებარე

კავკაზის მთის გულში, ქსნის – ხევის საზღვრად. <sup>1)</sup> დურძუკნი იყვნენ წინა-პარნი აწინდელის ქისტებისა, ინგუშებისა და ლლიღველებისა, რომელნიც ერთ ნათესაობას შეადგენენ და საუბრობენ ერთ ენაზე. იმათი ენა, ამტკიცებენ, თუმცა განსხვავდება სხვა კავკასიელთ ენაში, მაგრამ დიდად ემსგავსება ლეკების ენას, მეტადრე ყაზი-ყუმუყურს და ავარულს. <sup>2)</sup> ქისტებივე არიან ის თუშნი, რომელნიც წოველებად იწოდებიან. დურძუკნი ცხოვრობდნენ იქვე, სადაც ახლა ცროვრობენ ინგუშნი და ლლიღველნი <sup>3)</sup>. დურძუკთ პირველ წინა-პარად ქართლის

---

<sup>1</sup> ვახუშტი. გეოგრ., 220.

<sup>2</sup> Klaproth Voyage au Mont Caucase, t II  
p 45. 351, 354.

<sup>3</sup> Wakhouth, Decription géogr be la Gé-  
or. P 454, 458. იმისივე Crte générale des payséorg.

6

ცხოვრება უჩვენებს თარგამოსს. ის იტყვის: „დურძუკნი ძე ტირეთისა უწარჩინებულეს იყო შვილთა შორის კავკაზისთა, მივიდა და დაჯდა ნაპარალსა შინა მთისასა, უწოდა სახელი თვისი დურძუკეთი.“ როდესაც თარგამოსიანნი ხაზართ ებრძოდნენ, მაშინ დურძუკნიც ჰმელოდნენ იმათ <sup>1</sup>. დურძუკნი იყვნენ გამოჩენილნი და ძლიერი ტომი კავკაზიელთ ტომებში; ფარნავაზ მეფეს ჰყვანდა ცოლი დურძუკელთა, დედა საურმაგ მეფისა... შემდეგ დურძუკელთ აშლისა „მირვან მეფემ მოულო და ყოველთა ერისთავთა, შემოკრიბნა ყოველნი კავკაზიანნი იყვნენ სარწმუნოდ მორჩილებასა ზედა მირვანისასა. შემოკრიბნა ესე ყოველნი და წარემართა დურძუკეთს, შეკრბეს დურძუკნიცა და დაუდგეს სიმაგრესა ზედა გარდასავალთა გზასა... იქმნა ბრძოლა ძლიერი... და მოსწყდა ორგნითვე ურიცხვი. უკანასკნელ იძლივნეს დურძუკნი და ივლტოდეს... და შევიდა მირვან დურძუკეთს და მოაოხრა დურძუკეთი და ჭართალი და შეაბნა კარნი ქვითკირითა და უწოდა სახელად დარუბალ... შეიყვარეს იგი ყოველთა მკვიდრთა ქართლისათა და მსახურებდა იგი მეფესა ასურისტანელთასა. მას ჟამსა შინა მეფე იქმნა სომხითს, რომელსა ერქვა არშაკ. ეზრახა მირვანს არშაკ და მისცა ასული თვისი მესა არშაკისასა, არშაკს მოკვდა მირვან და მეფე იქმნა მის წილ ძე მისი ფარანჯომ.“ (112 წელს).

---

<sup>1</sup> ვახუშტი გეოგრ. 220

„ამან ფარანჯომ უმატა ყოველთა ციხე-ქალაქთა შენება, და შექმნა კერპი სახელით ზადან. ამისა შემდეგად შეიყვარა სჯული სპარსთა, ცეცხლისა მსახურება, მოიყვანა სპარსეთით ცეცხლის-მსასურნი და მოგვნი და დასხნეს იგინი მცხეთას, ადგილსა მას, რომელსა აწ ჰქვიან მოგვთა, და იწეო ცხადად გმობა კერპთა; ამისთვის მოიძულეს იგი მკვიდრთა ქართლისათა, რამეთუ დიდი სასოება აქვდათ კერპთა მიმართ. მაშინ შეითქვნეს ერისთავნი ქართლისანი უმრავლესნი და წარავლინეს მოციქული წინაშე სომეხთა მეფისა და ჰრქვეს: „მეფე ჩვენი გარდახდა სჯულთა მამათა ჩვენთასა, არღარა მსახურებს ღმერთთა მპყრობელთა ქართლისათა. შემოიღო სჯული მამული და დაუტევა სჯული დედული. აწ არღარა ღირს არს იგი მეფედ ჩვენად. მოგვეც ძე შენი არშაკი, რომელსა უზის ცოლად ნათესავი ფარნავაზიანთა მეფეთა ჩვენთა. გვაშველე ძალი შენი და ვაოტოთ ფარნაჯომ შემომღებელი ახლისა სჯულისა, და იყოს მეფედ ჩვენდა ძე შენი არშაკი და დედოფლად ჩვენდა ცოლი მისი, შვილი მეფეთა. მაშინ სთნდა სომეხთ მეფესა განზრახვა ესე... და იგი ყოვლითა ძალითა მისითა წარემართა ქართლს. ხოლო ფარანჯომ მეფემან მოუწოდა სპარსთა, შემოკრიბნა ქართველნიცა. ხოლო ერისთავნი ქართლისანი განდგომილნი მოეგებნეს სომეხთა მეფესა ტაშირს, და მუნ შეკრიბნა სიმრავლე სომეხთა და ქართველთა. იქმნა მათ შორის ტაშირს ბრძოლა ძლიერი, მოსწყდა

ორგნითვე ურიცხვი. იძლია და მოიკლა ფარნაჯომ, და მოსრნეს სპა მისი, ხოლო ძე ფარნაჯომისა, მირვან, წელიწადისა ერთისა ყრმა წარიყვანა მამა-მძუძემან მისმან და ილტოდა სპარსეთს.“

„ხოლო სომეხთა მეფემან მოსცა ძე თვისი არშაკა (93 წელს) და დაიპყრა ყოველი ქართლი და მეფობდა ნებივრად, და უმატა ყოველთა სიმაგრეთა ქართლისათა და უმეტეს მოამტკიცენ ზღუდენი ჯავახეთს, ქალაქსა წუნდას. მოკვდა არშაკ და მეფე იქმნა ძე მისი არტაგ (181 წელს) <sup>1</sup>.“

ასე დამყარდა საქართველოში დინასტია არსაკიდებისა ანუ არშაკიდებისა. არშაკიდები აღმოჩნდნენ პირველად პარჭიაში, შემდეგ გაგრცელდნენ სომხეთში და

სომხეთიდან საქართველოში. ერთ დროს არშაკიდები ისე ძლიერნი იყვნენ და ისეთ როლს თამაშობდნენ მსოფლიო ისტორიაში, რომ არ შეიძლება არ შევდგეთ იმათზე... გასაოცარ სახილველს წარმოგვიდგენს ის ეპოქა, რომელსაც ჩვენ შევხებით. ალექსანდრე მაკედონელის ტახტზე ასვლიდან 336 წელს ქრისტეს წინად, ვიდრე 65 წლამდე ქრისტეს შემდეგ, როდესაც რომაელებმა დაიჭირესო აზია, სულ ორმა საუკუნემ გაიარა. ამ მოკლე ჟამს აზიის პოლიტიკური მდგომარეობა რამდენჯერმე შეიცვალა. ალექსანდრეს სიცოცხლეში დაფუძ-

---

<sup>1</sup> ქართლის ცხოვრება გვ. 833-35.

## 9

ნდა დიდი მაკედონიის იმპერია, რომელმაც ჩანთქო სპარსეთი, ინდოეთი და მცირე აზია; მოკვდა ალექსანდრე და ეს იმპერია ჩაიშალა. აღყვავდა სელევკიდების სამფლობელო სირია; სირიამ დაჰფარა თითქმის მთელი მაკედონიის იმპერია. დაეცა სირია და გაძლიერდა პარტია არშაკიდების ხელში. ამან თავისი მხრით დაამხო სირია და დაიჭირა იმისი ადგილი. ამ დროს განმავლობაში ერთხანს თვით სომხეთმაც აღმოიჩინა თავისი ძალი. მასუკან გაძლიერდა დიდი მიდრიდატის დროს პონტის სამფლობელო, რომელიც კაი ხანი რომის ძალას ებრძოდა და დასასრულ რომმა დასცა პონტი და გაავრცელა თავისი საზღვრები. არ ვიცით ნამდვილად რომლის ნათესავის ფესვიდან მომდინარეობდა პარტიელების ტომი, რომელსაც არშაკიდები ეკუთნოდნენ. ზოგნი იტყვიან ვითომც პარტიელები შეადგენდნენ ინდო-ევროპიის ანუ სპარსის შტოს, ზოგნი თურანის ანუ თურქების მოდგმას<sup>1</sup>. პარტიელები ცხოვრობდნენ კასპიის ზღვის სამხრეთ აღმოსავლეთად. იმათი მხარე, რომელსაც ახლა აღმოსავლეთის ტომნი უწოდებენ არაკ-აგემს, შეადგენდა ხრიაკსა და უწყლო ადგილს, აქა-იქ უტყეო-მთიანს. პარტიელები ხასიათით იყვნენ თავხედნი, მტაცებელნი, ველურნი გაჟაკნი, ერთი მერესთან მუდამ მეზრძოლნი.

---

<sup>1</sup> Malcolm, Hist. de la perse, I, 362 363.  
Шлоссера Всемир. ист. 1, стр. 121.

## 10

ისინი ცხოვრობდნენ გაცალკევებით, ჯგუბ-ჯგუბად; მოძრაობდნენ, მთაბარობდნენ. პარტიელნი მხოლოდ მაშინ

შემოიკრებდნენ თავს, როდესაც საზოგადო განსაცდელს რასმე შეეჯახებოდნენ. პარტილებმა უფრო მაშინ აღმოჩინეს თავისი ძალა, როდესაც სელევკიდების სამეფო სისუსტეში შევიდა. 2<sup>1/2</sup> საუკუნის წინ ქრისტეს შობამდე პარტიის მეფემ არშაკმა განდევნა პარტიიდან სელევკიდები. როდესაც სირიის მეფე ანტიოქი პირველი მოკლულ იქმნა და სირია აირია, მაშინ სელევკიდების ძალა სრულებით დაეცა და პარტიის სამეფო დამყარდა. არშაკიდებმა დაიჭირეს ვრცელი ადგილი, ევფრატის მდინარედამ ინდის მდინარემდე, ესე იგი მესოპოტამია, ბაბილონი, მიდია, ადარბედაგანი, სუზიანა, სპარსეთი, ჰირკანია და ყარამანია. პარტია თავის მხრით დაემხო მხოლოდ მესამე საუკუნეში ქრისტეს შობის შემდეგ, როდესაც სპარსეთში გამლიერდა ახალი დინასტია, ესე იგი დინასტია სასანიდებისა. ევფრატიდამ ვიდრე ინდოეთამდე არშაკიდებმა აღმოფხვრეს კვალი ბერძნული განათლებისა. არშაკიდები მითრიდატ პირველის მეფის დროდამ (150 წ. ქრ. წინ) ცხოვრობდნენ ზამთარ ქ. ქტეზიფონში, ზაფხულ სხვა-და-სხვა ადგილს, მომატებულად კი მიდიის ქალაქში ეკბატანაში <sup>1</sup>. მითრიდატ პირველ-

<sup>1</sup> Шлоссера Вс. ист., 25-27. Chevalier Chardin, Voyage en Perse, II, 369-370.

მა დაიპყრა თვით სომხთი და 149 წელს მეფედ აქ დასვა თავისი უმცროსი ძმა ვაჰარშაგი პირველი, რომელმაც დააფუძნა სომხეთის არშაკიდების დინასტია. დედა ქალაქად ვაჰარშაგმა ამოირჩია ქალაქი ნიზიბი ანუ მეცფინი ჩრდილო მესოპოტამიაში. ეს ვაჰარშაგი დიდად განთქმულია სომხის ისტორიაში. იმან დაიპყრა პონტის ქალდეა და ლაზისტანი, მაკედონელის მოკავშირენი მთიან-ტყიანი ტაიკი, ანუ ქართველების თაოს-კარი იმან დააწესა საზაფხულო დროს გასატარებლად და სანადირო ადგილად; შემოიყვანა თავის ბრძანებლობას ქვეშ კავკაზის ტომნი და დასდო იმათ ხარკ; დანიშნა თავისი მოადგილეები ალოვანში ანუ ალბანიაში, გუგარკში ანუ ჩვენ სომხეთში. გუგარელნი, მოსე ქორენელის სიტყვით მომდინარებენ იმ მირდატისაგან, რომელიც დარეხის მოადგილე იყო და რომელიც ალექსანდრე მაკედონელს დაედგინა ნაბუქოდონოსორის მიერ დატყვევებულ იბერიელთ გამგედ. ვაჰარშაგის სასარგებლოდ ისე არავის უღვაწია, როგორც იღვაწა „შემძლემ და ბრძენმა“ შამ-

ბუ ბაგარატმა. ბაგარატი იყო ურიათაგანი, მოსეს სჯულის აღმსარებელი. ის პირველი მიემხრო ვაჰარშაგს, ამისთვის მიღებულ იქმნა სასახლეში, და სამსახურისამებრ დაიჯილდოვა. ის შეიქმნა მეფის მოადგილედ და თერთმეტი ათასის ჯარის წინამძღომელად სომხეთის დასავლეთს საზღვრებში, იქ, სადაც, მოსეს სიტყვით, სომხური ენა აღარ ისმოდა. ბაგრატს სხვა უმაღლესი

12

ღირსებაც მიენიჭა: ის გახდა ასპეტი ანუ სპათა უფროსი; მხოლოდ იმას შეეძლო მემკვიდრებით გვირგვინის დადგენა მეფის თავზე; მხოლოდ ბაგრატს ჰქონდა ნება სასახლეში წარდგენის დროს შემოერთყა სარტყელი სამრიგის მარგალიტით მორთული. თვით შინაგანი სომხეთის წყობილება ვაჰარშაგმა თურმე დააწყო. იმან დასდო კანონად, რომ ერთ-ერთი მეფის შვილი იმყოფებოდეს მეფესთან მემკვიდრეობის მისაღებად და დანაშთენი ვაჟები და ქალები კი ცხოვრობდნენ გვარის საუფლო მამულში. ვაჰარშაგმა ააშენა არმავირის ქალაქში ტაძარი და აქ აღმართა სტატუეები მზისა, მთვარისა და თავის წინა-პართ; ტაძრის მსახურთ მიაგო დიდი პატივი და შეჭრიცხა იგინი პირველ გვართ რიგში; დაადგინა მსაჯულნი სასახლეში, ქალაქებში და სოფლებში; სამეფო პალატისთვის დაამყარა რიგი შემოსვლისა და გასვლისა, სადღესასწაულო დღეებისა და ნადიმობისა. იმან განაწესა ოთხგვარი სპა სასახლის დასაცველად. ეს სპანი იყვნენ შემდგარნი შეიარაღებულთ პირთაგან, რომელიც ჰაოსისგან მომდინარეობდნენ და საშვილიშვილოდ ჰვლობდნენ სოფლებს და დაბებს. „არ ვიციო, ამბობს მოსე, ამოიხოცაო თუ არა ძველი შთამომავლობა, ანუ აშლილობის გამო ამოწყვეტილ იქმნა და ამ სპათა ნაცვლად შესდგნენო სხვანი სასახლის სპანი. ეს კი დარწმუნებით შემიძლიან ვთქვაო, რომ პირველი სპათა რიგნი მომდინარეობდნენ მეფეების სახლიდამ, მსგავსად

13

იბერიელთ სეფე-წულთა.“ ეს სეფე-წულნი თვით ქართლის- ცხოვრებაშია იხსენებიან <sup>1</sup>.

ვაჰარშაგმა იმეფა 25 წელი და შემდეგ გამეფდა იმისი შვილი არშაკი პირველი, რომელიც ცამეტის წლის განმავლობაში ისე განითქვა, როგორც ვაჰარშაგი. იმან დაამშვიდა მრავალნი ტომნი კავკაზისანი, რომელნიც

ეძებდნენ განთავისუთლებას სომხეთის მეფის ბძანებლობისაგან. შემდეგ არშაკისა დაჯდა მეფედ ძე არშაკისა არდაშეზი პირგელი. ამ არდაშეზის ძე იყო ის არშაკი, რომელიც ქართველებმა გამოსთხოვეს თავიანთ მეფედ და რომელმაც დააფუძნა საქართველოში არშაკიდების დინასტია. თუ დასაჯერებელია ვისთვისმე სომხის ისტორიის თქმულება, არდაშეზმა დაიმონავა მთელი მცირე აზია, განვლო ეგეის ზღვა და შევიდა ჯარით საბერძნეთში. აქ ის მოიკლა თავისავე კაცისაგან. არდაშეზმა დასტოვა მცირე წლოვანი შვილი ტიგრანი მეორე, რომელიც რამოდენიმე დრო პარტიელების ბძანებლობის ქვეშ იმყოფებოდა. ტიგრანმა მალე მოიპოვა თავისუფლება. იმის დროს სომხეთმა დაიჭირა ადგილი უპირვლესის აზიის სახელმწიფოების რიცხვში. ტიგრანმა დაიპყრა სირია და მრავალი თემი მცირე აზიისა, დაეცა არშაკიდების შტოს, რომელიც სპარსეთში მეფობდა. მესოპო-

---

<sup>1</sup> Исторія Арменіи 79-83, Hist. de la Géor. t. 1, p. 159, 228, 430 და n 3.

ტამია, ალიაბენი და ადარბედაგანი იმის ხელში ჩაცვივდნენ. იმან სპარსების მეფეების შემდეგ პირგელმა მითვისა ტიტული: მეფეთ-მეფე. გაამაყებულმა თავის ძლევა-წარმატებით ტიგრანმა მიჰკერძა პონტის მეფეს მიტრიდატს, როდესაც მიტრიდატი რომაელებს ებრძოდა <sup>1</sup>.

რომაელნი პირველად გაერივნენ მცირე აზიის საქმეებში სირიის მეხუთე მეფის ანტიოქის დროს, რომელიც ჰვლობდა მომატებულ ნაწილს მცირე-აზიისას ინდიდამ ხმელეთთა-შუა ზღვამდე. ამ ჟამად ღირს შესანიშნავს სამთავროებს მცირე-აზიისას შეადგენდნენ: ბითინია, პაქლაგონია, პონტი, პერგამი, გალატი, დასახლებული ახლად მოსულის ინდო-ეგროპიულის ანუ ტევტონურის ტომისაგან, კაპადოკია და სხვ. შემთხვევა შემოსვლისა მცირე-აზიაში რომაელებს თვით ანტიოქმა მისცა. ანტიოქი ცდილობდა, რომ ეგვიპტის მცირე წლოვანის მეფის პტოლომე ეპიფანისთვის აეცილებინა რომაელების გამგეობა და თავისი გავლენა გაეგრძელებია ეგვიპტეზე. რომაელები და ანტიოქი შეიბრძოდნენ. რომაელებმა სძლიეს 190 წელს ქრისტეს წინად და ანტიოქს ჩამოართვეს ნაწილი მცირე-აზიისა, რომელიც ტავრის მთას-იქით მდებარებდა. ვიდრე რომის კომმისარები დააბოლოვებდნენ ამ საქმეს ანტიოქთან



---

<sup>1</sup> S Martin, Mém. Sur l'Arménie I, 290-292  
Шлоссера всемир. ист. IV, 26.

კონსული მანლი თავის ჯარით შევიდა მცირე-აზიის შუა-გულში და აქ შეება ანტიოქის მოკავშირე გალატებს <sup>1</sup>. აქ რომაელები შეეჯახნენ პონტის მეფეს მიტრიდატ მეექვსეს.

პონტს ჰსაზღვრავდა: ჩრდილოეთით პონტის ზღვა აღმოსავლეთით საქართველოს პირი და სომხეთი, დასავლეთით პაჭლაგონია, სამხრეთით გაპუადო-კის. პო. ნტში მდებარებდნენ სვათა შორის ბერძნის ქალაქები ამასია, ტრაპიზონი, კერასუნი, თემის-ყური და ნეო-კესარია. პონტში ცხოვრობდნენ სხვა-და-სხვა ტომნი. პონტის მეფეები თავიანთ შთამომავლობას აწარმოებდნენ სპარსეთის მეფის კიროსიასაგან და უფრო მიტრიდატებად იწოდებოდნენ. ისინი თავდაპირველად სპარსეთის ბმანებლობას ქვეშ იყვნენ და იმის სასატრიპოს შეადგენდნენ.

ქვეშ იყვნენ და იმის სატრიპოს შეადგენდნენ. მიტრიდატმა დაიკავეს ბერძნული ქალაქები და თავის სამფლობელოში გაავრცელეს ბერძნული განათლება და ყოფა-ცხოვრება, დაიმონავეს ადგილობრივნი მთის ტომნი – ტიბარენნი, ხალიზნი და სხ. მეორე საუკუნის დამდეგ ქრისტეს წინად თარნაგ პირველმა, შვილმა მიტრიდატ მეოთხისამ, დაიპყრა აღყვავებული და მჭიდროდ დასახლებული ბერძნის ქალაქი სინოპი, რომელიც

---

<sup>1</sup> V. de S-Mart. Iust, des découv., II, 348, 351-354.

დედა ქალაქად დაწესდა. სინიპის ფლოტი მიტრიდატებმა შეისაკუთრეს. სინოპი იმათ ხელში უფრო აღყვავდა და შეიმკო სხვა-და-სხვა არხიტექტურის ნაწარმოებით. პონტის სამეფო უაღრესად გაძლიერდა I საუკუნის დამდეგ ქრისტეს წინ ფარნაკ პირველის შვილის- შვილის მიტრიდატ დიდის დროს <sup>1</sup>. მიტრიდატი ეომა რომაელებს ოც-და-ათი წელი. სულლა ლუკული და პომპეი ერთი მეორის შემდეგ ებრძოდნენ იმას რომის ძალით და თუმცა მიტრიდატი რამდენჯერმე იძლია, მაგრამ ის მაინც არა ჰკარგავდა თავის ხასიათის ძალას და ახოვანებას, იმისი მძვინვარე სიძულილი რომაელებთან დმი ძლე-

ვის შემდეგ უფრო აღვიძებდა იმის ენერგიას და აძლიერებდა იმის ღონის-ძიების წყაროს. მიტრიდატის მოკავშირენი იყვნენ: იმისი სიძე, სომხეთის მეფე ტიგრანი, იბერიის მეფე არშაგის შვილი არტაგი, რომაელების ორტაგოსი და ალბანიის ორაზესი. ამ დროს მიტრიდატს ეპყრა კოლხიდა, საიდანაც იმას გამოჰქონდა თავის ჭლოტისთვის სახმარი ხე-ტყე და რომლის მმართველებად ჰყვანდა თავისნი ერთგულნი კაცნი. იმათ შორის იხსენიება სტრაბონის ბიძა მოაქარნი. მიტრიდატი ჰფლობდა აგრეთვე უმეტეს ნაწილს აფხაზეთისას და ჩერქეზეთისას. იმასვე ექვემდებარებოდა ბოსქორი, რომელიც იმას დაუთმო ფერიზად მესამემ, რადგანაც

---

<sup>1</sup> Шлоссера, Всемирн. ист. II, 12-13.

ფერიზადმა ვერ შესძლო ბოსქორის შემაგრება, როდესაც იმას სკვითები დაესხნენ, მიტრიდატმა დაამშვიდა სკვითები. სამმა ხან გრძლივმა შებრძოლებამ რომაელებთან არ მისცა მიტრიდატს წარმატება. 65 წელს მიტრიდატი კიდევ შეუდგა ბრძოლას და კიდევ იძლია: აქ მან დაკარგა 10, 000 კაცი და თვით მცირე ჯარით განივლტო და მიჰმართა თავის სიძეს ტიგრანს. ტიგრანმა ის არ შეიწყნარა. მაშინ მიდრიდატი ეჭრატის კიდიდამ გაემგზავრა კოლხიდისკენ, რომელსაც განაგებდა ათალი. აქ იმან დაჰყო ზამთარი დიოსკურიაში, საიდანაც ბოსქორში გასვლა განიზრახა. პომპეი შევიდა კოლხიდაში, მაგრამ მიტრიდატს ვერა სდია გზის შიშის გამო და დარჩა ადგილობრივ. პომპეიმ დაჰსაჯა მიტრიდატის მოკავშირენი. ათალი დაიჭირა და კოლხიდის გამგებ არისტარგი დასო. ამ დროს იბერიის მეფემ არტაგმა და ალბნიის მეფემ ორაზესმა შეკრიბეს 75,000 ჯარი მტკვრის პირად. ეს ცნობა მიიღო პომპეიმ, როდესაც ის არგონავტების ექსპედიციის და ოქროს რუნის ისტორიის გამოძიებაში იყო. პომპეიმ სწრაფლ მიმართა საომრად. არ ვიცით რა გზას დაადგა ისა, ვიცით მხოლოდ, რომ პომპეიმ გამართა ხიდი მტკვარზე ვიდრე მეფეებს შეეზმოდა. შემინებული მეფენი შეფარდნენ ტყეს; პომპეიმ შემოარტყა იმათ ჟარი, მისცა ცეცხლი ტყეს და ამოჰხოცა ვინც კი ხელში ჩაუვცვიდა. მეფეები დამარცხდნენ და მიეცნენ პომპეის, რომელმაც იმათ წაართვა დიდი ხარჯი ამანათებიტურთ. რომაელების

ჯარი დაბრუნდა დიდ-ძალის ტყვეებით დატვირთული. მიტრიდატის შვილი ფარნაგ რომაელებს დაემონავა და რომის მოწალებით ბოსჰორის მფლობელი შეიქნა. პონტი, ბითინია და ნაწილი კილიკიისა რომის პროვინციებად შერიცხნენ. ეს იყო 93 წელსა. ამ გვარადვე შეიცივალა სვე გალატისა 25 და კაპადოკიისა 17 წელს. პომპეის ცხოვრები და მოქმედება როგორც მცირე-აზიაში, აგრეთვე იმის გარეთ აღწერილია პლუტარხისაგან, რომელიც 48 წელს ქრისტეს შობის წინ იშვა. რადგანაც აქ ჩვენთვის ღირს-საცნობელია მხოლოდ ის ჭაქტები, რომელნიც შეეხებიან პომპეის მოღვაწეობას სომხეთში და საქართველოში, ამისთვის ჩვენ მხოლოდ იმათ მივაქცევთ მკითხველის ყურადღებას. ჩვენ მხარეზე პლუტარხს თავისი ცნობა გამოუკრებია თეოფანეს წერილებიდან, რომელიც პომპეის თურმე დაჰყვებოდა. აქ არ შეიძლება არ შევდგეთ ერთ ჭაქტზე. როგორც პლუტარხი, აგრეთვე სხვა რომაელების დროს მწერლები რომელნიც ჩვენს მხარეს შეეხებიან, თითქმის ყველანი, ბერძნები იყვნენ, უკეთესნი იმათში არიან; სხიმიუსი და სტრაბონი, რომელნიც ყვავოდნენ ქრისტეს წინად უკანასკნელის საუკუნის გასულს და პირველის საუკუნის დამდეგს და რომელთაც გადმოგვცეს პირველმა აღწერა პონტის ზღვის პირისა ჭაზიდან ბოსჰორამდე, მეორემ – მთელი სურათი კავკაზისა და იმის ტომებისა; ქრისტეს შემდეგ მწერალნი – II-სა საუკუნისა აპიანი, VI-საუ-

კუნის პროკოპი იყვნენ აგრეთვე ბრძენები. ძველს ავტორებში ღირს-სახსოვარი ჩვენთვის რომაელთ მწერალთაგანი არის მხოლოდ ტაციტი, უკეთესი და განგითარებული ყველა იმათ ისტორიკოსებში. ის ცხოვრობდა 1 საუკუნის ნახევარს ქრისტეს შობამდე და იმან გადმოგვცა რამდენიმე სურათი ჩვენს მხარეზე.

როგორც ვთქვით, მიტრიდატი პოპეიმ სამუდამოდ დასცა და გაემგზავრა სომხეთისაკენ თავის სიძესთან ტიგრანთან. ტიგრანმა არა თუ არ შეიწყნარა ისა, ასი ტალანტიც დაუნიშნა ჯილდოდ ვინც მიტრიდატს მოჰკლავდა და იმის თავს წარუდგენდა. ეს იყო მიზეზი, პლუტარხის სიტყვით, რომ ბედ-კრულმა მიტრიდატმა ეჭრატის მდინარის სათავე გაიარა და საჩქაროდ მიჰმართა კოლხიდას. პომპეი შევიდა სომხეთში. აქ ის მიიწვია ტიგრან-მეფის შვილმა ყმაწვილმა ტიგრანმა და თვითო-

ნაც მიეგება იმას არაქსის მდინარეზე. არაქსს, ამბობს პლუტარხი, იქვე აქვს თავისი სათავე, საიდანაც ეჭრატი გამომდინარებს, თუმცა ის აღმოსავლეთის მხრივ მიემართება და კასპიის ზღვაში ჩადის. ტიგრან მეფემ თავის დედა ქალაქის კარი რომაელების ჯარს გაუღო და პომპეის მიჰმართა თავის დასაკვრელად. როდესაც ის რომაელების სანგარს მიუახლოვდა ცხენით, მაშინ ლიკტორებმა უბძანეს იმას, რომ ცხენიდან გადმომხტარიყო, რადგანაც აქამომდე მაგალითი არ ყოფილა, რომ მხედარს ვისმეს გაეებდნოსო იმათ ბანაკში შესვლა. ტიგრანი ბძანებას

20

დაჰმორჩილდა. გარდა ამისა იმან მოიხსნა ხმალი და გადასცა ლიკტორებს. წარუდგა რა პომპეის, იმან აიხადა გვირგვინი, დასდო პომპეის ფეხ-ქვეშ, დაემხო დედა-მიწას და მიიწია პომპეის მუხლზე საამბოროდ. პომპეიმ ის წამოაყენა და თავის კარავში მიიწვია. პომპეი ტიგრანს დაჰპირდა ისევ იმ ადგილებს, რაც აქამომდე სჭერიყო. თვით შვილს დაუნიშნა სოფლის სამფლობელო, მაგრამ ამასთანავე მოსთხოვა ხუთი ათასი ტალანტი (თითქმის ცხრა მილიონ ნახევარი მანეთი თეთრი.) დამშვიდებულმა ტიგრანმა მიიღო ეს ბძანება და გარდა ამისა აღუთქვა თვითოეულს იმის ჯარის კაცს თუმანზე მეტი, თვითეულს ცენტურიონს ოც-და-ორ თუმან ნახევარი, თვითოეულს ტრიბუნს თვითო ტალანტი. ყმაწვილი ტიგრანი არ დარჩა კმაყოფილი. როდესაც პომპეიმ მამა-შვილი საუზმეზე მიიწვია, იმან უპასუხა: არც შენა ხარო საჭირო და არც შენი მოწყალებაო. პომპეიმ ის შეაბორკილებინა და თავის სატრიუმფოდ დანიშნა. თვით იბერიის მეფემ მართო პომპეის მძიმე ოქროს საწოლი და საჯდომი ტრონიტურთ თავის ერდგულობის ნიშნად.

„პომპეიმ დასტოვა – განაგრძობს პლუტარხი – აფრანიუსი სომხეთის მცველად და თვითონ მითრიდატის კვალს შეუდგა. ამისი გზა გადადიოდა იმ ტომთ საშუალ, რომელნიც კავკაზის გარეშემო ცხოვრობდნენ. იმათ შორის უფრო შემძლენი არიან ალბანელნი და იბერნი.

იბერნი ჰვლობენ მთელს სივრცეს მოსხის მთებამდე და პონტამდე; ალბანელნი მკვიდრობენ აღმოსავლეთად

21

და კასპიის ზღვის მხრივ. ალბანელებმა ჯერ მისცეს გზა, რომელიც პომპეიმ იმათ მოსთხოვა, შემდეგ კი ზამთარმა

რომ აქ იმისი ჯარი შეაყენა, ბარბაროსებმა ისარგებლეს იმ შემთხვევით, როდესაც რომაელები სატურნალო დღეობას უქმობდნენ. ალბანელი იყვნენ 40 ათასს კაცამდე. იმათ განავლეს კირნუსი (კირუსი ანუ მტკვარი), რომელსაც სათავე აქვს იბერიის მთებში და რომელიც იერთებს თუ არა სომხეთიდან მომდინარე არაქს, თორმეტის შესართავით ჩადის კასპიის ზღვაში. ზოგნი იტყვიან, ვითომც კირუსს არ უერთდებოდეს არაქსი, რომ არაქსი ცალკე მიმდინარეობდეს კირნუსის მახლობლად და ცალკე იმავე ზღვაში ჩადიოდეს. პომპეის შეეძლო მტრისთვის გასავალი შეეკრა, მაგრამ იმან მისცა გზა; მასუკან ის უცებ დაეცა ალბანელებს და გაფანტა ისინი დიდის ზიანით. ალბანიის მეფემ მოციქულების პირით პომპეის შენდობა მოსთხოვა; პომპეიმ მიიღო თხოვნა და შემდეგ მიჰმართა იბერიელებს, რომელნიც ისე მრავალნი იყვნენ, როგორც ალბანელებს, თუმცა ამ უკანასკნელთ ახოვანებით აღემატებოდნენ. იბერთ დიდი სურვილი ჰქონდათ მიტრიდატისთვის სამსახური მიეგოთ და პომპეი განედევნათ. იბერნი არას დროს არ ყოფილან არც მიდიელების და არც სპარსების ქვეშევრდომნი; თვით მაკედონის იმპერიას არა ჰქონია იმათზე ბმანებლობა.... პომპეიმ სძლია იმათ დიდს ომში, მოუკლა ცხრა ათასი კაცი და ათი ათასზე მომატებული დასტყვევა. შემდეგ ის იბერიიდან

22

მსწრაფლ გავიდა კოლხიდაში, სადაც ჭაზის სართავის მახლობლად იმას შეუერთდა სირვილიუსი თავის ფლოტით „რომილათაც ის პონტის ზღვას იცვავდა“.

„დევნა მიტრიდატისა, რომელიც ბოსფორისა და მეოტიდის ტბის ტომებს შეეფარდა, დიად დამაბრკოლებელი საქმე იყო. ამასთანავე პომპეის აცნობეს, რომ ალბანელი ხელახლად აიშალნენო... ის დაბრუნდა და კიდევ გავიდა კირსუსს, თუმცა მომატებულის ბრკოლვით და შიშით. აქ ბარბაროსებს ნაპირები დიდათ თურმე გაემარებინათ; გაღმა მდინარისა დიდი გზა იყო გასავალი ხრიკს და უწყალო მხარეში. პომპეიმ გაამსებინა ათი-ათასი ტიკი და ჯარი გაიყვანა პირის-პირ მტკვრისა, რომელიც საბრძოლად იდგა აბასის წყლის კიდეზე. ალბანელებს ჰგვანდათ 60 ათასი ქვეითი ჯარი, 12 ათასი ცხენოსანი, მაგრამ ისინი ცუდად იყვნენ შეიარაღებულნი; მომატებული იმათგანი პირუტყვის ტყავით იყო მოსილი. იმათ ბმანებლობდა მეფის ძმა, სახელად კოხისი. ასტყდა თუ არა ბრძოლა, კოხისი მსწრაფლ მიივლტო პომპეისთან და

მიახალა იმას ისარი, რომელიც მხოლოდ შეეხო იმის ჯავშანს. პომპეიმ თავის მხრით სტყორცნა კოხის ისარი და მოკლა ისა. ამბობენ, ვითომც ამაზონები ჩამოსულიყვნენ იმ მთიდან, რომელიც თერმოდონის მდინარის მახლობლად მდებარებს და ბარბაროსების წყობაში იბრძოდნენ. მართლა და როდესაც ბრძოლის შემდეგ რომაელებმა მკვდრები გაცარცვეს, იმათ გვამებზე ჰპოვეს ამაზონების

23

ფარები და ფეხ-საცმელები; მაგრამ არ შეუნიშნავთ კი არც ერთის დედა-კაცის გვამი. ამაზონები მკვიდრობენ კავკაზის მხარეში, რომელიც ჰირკანიას დასცქერის. ისინი არ არიან ალბანელების მოსაზღვრენი, რადგანაც იმათ ჰყოფენ გეტები და ლეგები: ისინი ყოველ-წლივ ორის თვის განმავლობაში უერთდებიან ამ ორ ტომს თერმოდონის ნაპირზე; ვადის გასვლის შემდეგ ისინი შედიან ისევ თავიანთ ქვეყანაში, სადაც სრულებით მარტო ცხოვრობენ და აქ არავითარი დამოკიდებულება არა არის რა იმათს მამა-კაცებს შორის.“

ამ ბრძოლის შემდეგ პომპეიმ მიჰმართა ჰირკანიისკენ და კასპიის ზღვისკენ. იმან დაჰყო გზაზე მხოლოდ სამი დღე; მაგრამ აქ ის მიაწყდა მრავალს-ძალს შხამიან გველებს,) რომელნიც ამ მხარეებში იპოებიან. ამისაგამო ის ისევ უკუ-იქცა და მცირე-სომხეთში შევიდა..... გასაოცარი იყო პომპეის ტრიუმფი იმის შესვლის დროს რომში. მთელი რომი შეიძრა და სადღესასწაულოდ შეიმოსა. პომპეის წინ მიჰქონდათ ოქმები, რომლებშიაც იხსენებოდა ძლეული ქვეყნები: პონტი, სომხეთი, კაპპადოკია, პაჭლაგონია, მიდია, კოლხიდა, იბერია, ალბანია, სირია, კილიკია, მესოპოტამია, ჭინიკია, პალესტინა, ურიასტანი, არაბისტანი... მოიხსენებოდა აგრეთვე, რომ ამ ქვეყნებში პომპეიმ აიღო 1000 ციხე-სიმაგრე და 300 ქალაქამდე, მოულო ზღვის მეკობრებს 800 გემი და გააშენა 39 ქალაქი, დაცლილი მცხოვრებთაგან. ამასთანავე

24

ოქმები ამბობდნენ, რომ საზოგადო შემოსავალი, რომელიც პომპეის წინად შეადგენდა 50 მილიონს დრაქმას, იმის ძლევა-მოსილის მოქმედებით აღვიდაო 80 მილიონამდე და 500 დრაქმამდე; რომ, გარდა ამისა იმან შეჰმატაო რომის ხაზინას მოჭედილის ფულით – თუ ოქროსა და ვერცხლის ნივთიერებით – 20 ათასი ტალანტი.

ტყვენი, რომელნიცა ტრიუმფს შეადგენდნენ, იყვნენ: მეკობრათ უფროსთ გარდა, სომხეთის მეფის ტიგრანის შვილი თავის ცოლით და ქალით; ზოსიმე, მოხუცის ტიგრანის ცოლი. ურიების მეფე არისტობული, მიტრიდატის და და ხუთი შვილი, სკვითების დედა-კაცნი, და ამანათები ალბანელებისა, იბერიელებისა და კომმაგენის მეფისა.

აქ სტატიის შესავსებლად. საჭიროდ ვხდით ორიოდე სიტყვაც დავურთოთ. ჩვენ ზემოდ მოვიხსენეთ, რომ სულ ძველად ჩვენის ქვეყნის სახელ-წოდება იბერია არ იხმარებოდა არც უცხო ტომთაგან, არც ჩვენ წინა-პართაგან. ის იხსენება მხოლოდ იმ დროდამ, როდესაც რომაელები შემოვიდნენ ჩვენს მხარეში მიტრიდატთან საბრძოლველად, საკუთრივ ამ დროდამ იხმარება ის საზოგადოდ როგორც რომაელებისგან, აგრეთვე ბერძნებისაგან. სჩანსო, ამბობს ვივანე სენ-მარტენი, რომ რომაელებმა ჰპოვეს იბერია თვით საქართველოში და აქედამ გაავრცელეს იმის გარეთ. პომპეის დროდამვე შეიძინეს იმათ დაწვრილებით ცნობა იმ დიდ სააღებ-მიცემო გზაზე, რო-

- 25 -

მელიც ინდოეთიდან კასპიის ზღვით პონტის ზღვის მხარეს მისდევდა. დაასრულა თუ არა თავისი ომიანობა, ომშიემ წარგზავნა სხვა და სხვა მხარეს მცოდნენი და გამოცდილნი პირნი, რომელთაც უნდა შეეგროვებინათ ამსაგნის შესახები ჭაქტები, ჩვენ ეს გზა ზემოდ აღწერილი გვაქვს. ამისთვის იმაზე სიტყვას აღარ გავაგრცელებთ; მხოლოდ დავურთავთ, რომ პლინის თქმით, (ცხოვრობდა პირველს საუკ. ქრისტეს შემდეგ.), ენდოეთის სავაჭრო, რომელიც ვითომც ნავეებით მიდიოდა სურთიმდე ანუ სურამამდე. სურამიდან აქლემებით და ცხენებით გადიოდა სარაპანამდე, საიდანაც ისევ ნავეებით მიემგზავრებოდა ზღვამდე. პლინი ამბობს აგრეთვე, რომ რომაელების აღებ-მიცემობა სარაპანში ვაჭრებს აჯილდოებდაო ასის სარგებლით ასზე, მაგრამ ჩივის, რომ ეს აღებ-მიცემობა მეტად იზიდავდაო. აქ ოქროს და ვერცხლს, ასე რომ ყოველ-წლივ რომი ას მილიონ სესტერცის გზავნიდაო სარაპანში.